

▼21/05/15-1/MST
R GB 21-05 00188 BH819
bah

Mahathir - Pesta
PM AKAN LANCAR PESTA KAAMATAN SABAH

I

ROTA KINABALU, 21 Mei (Bernama) -- Perdana Menteri Datuk Seri Dr Mahathir Mohamad akan melancarkan Pesta Kaamatan di Luyng dekat sini semasa lawatan sehari ke Sabah pada 30 Mei.

Pengerusi Jawatankuasa Khas UMNO Sabah bagi Kadazan, Dusun dan Murut Datuk Kasitah Gadam memberitahu satu persidangan akhbar di sini hari ini berkata lebih daripada 5,000 orang dijangka berkumpul di Dewan Foo Chow bagi menyaksikan upacara itu yang dirancang diadakan setiap tahun.

Antara orang kenamaan yang akan menghadiri majlis itu ialah Menteri Hal Ehwal Sabah, Tun Haji Mustapha Datu Harun, Menteri Tanah dan Pembangunan Koperasi Tan Sri Sakaran Dandai, Menteri Penerangan Datuk Mohamed Rahmat, Timbalan Menteri Penerangan Railey Haji Jeffrey dan Timbalan Menteri Perumahan dan Kerajaan Tempatan Osu Haji Sukam.

"Kami juya akan menjemput pemimpin kerajaan Sabah menghadiri perayaan ini," katanya.

Kasitah berkata perayaan itu akan bermula pada 8 pagi tetapi majlis pelancaran dijadualkan pada pukul 1 petang. Antara acara menarik ialah memahkotakan Unduk Ngadau (ratu cantik) oleh Datuk Seri Dr Siti Hasmah Ali.

-- Lagi

▼21/05/15-07MST
R GB 21-05 00147 BH820
bah

Mahathir-Pesta 2 (Akhir) Kota Kinabalu

Pesta Kaamatan adalah satu perayaan masyarakat Dusun dan Kadazan bagi menandakan berakhirnya musim menuai padi dan bermulanya musim baru. Sejak kebelakangan ini ia turut dirayakan oleh semua golongan di negeri ini pada 30 dan 31 Mei.

Dr Mahathir akan melancarkan pesta itu selepas merasmikan kongres kedua Parti Liberal, Demokratik (LDP) di Sekolah Menengah Rian Kon di Jalan Tuaran di sini.

LDP adalah parti komponen Barisan Nasional Sabah selain UMNO, Angkatan Keadilan Rakyat (AKAR) dan MCA. Perdana Menteri turut menghadiri kongres pertama parti itu tahun lepas.

Dr Mahathir juga akan menghadiri jamuan malam dengan rakyat di kediaman Mustapha di Tanjung Aru di sini pada malam itu. Mustapha juga adalah Timbalan Ketua Perhubungan UMNO Sabah.

Perdana Menteri dan isteri akan pulang ke Kuala Lumpur esoknya. -- Bernama.

ZAA RON MIB

▼21/05/15-08MST